




泗水縣誌



序

曲沃令崇安潘

錦撰



曲沃舊志五卷明嘉靖間縣令劉公魯生
所修也萬曆間知縣趙公彥復增爲二十
六卷名曰沃史

本朝攝縣事太原府同知大梁張君奇勛因
沃史舊文重加編輯爲二十五卷前令蒲
田周君鉞別綴藝文若干首書始出或病

其言不雅馴詮次紕繆有志者每欲起而正之余嘗伏讀是編自愧見聞謏劣不能窺作者旨趣然於標目頗竊疑之蓋古者諸侯各以其年紀元故列國有史如齊之有南史晉之有董狐是也自封建改爲郡縣禮樂法度一稟章程無敢私議於室卽稗官野史同於齊諧君子猶或非之况一邑之紀載儼然自命爲史乎故嘗過不自料輒與邑中同志取曩時舊志別爲義例增損彙括闕者補之繁者約之平心商榷一衷諸道名曰曲沃縣志蓋所以繼前賢未竟之志竊附於張周二君子纂輯之末非敢爲作也後之君子本是編而參考互訂別展心裁勒爲一書光諸國門予又竊有望焉昔康熙四十五年仲夏吉日

叙纂

沃舊誌叙六編誌竟刪其煩蕪比於集腋
成裘之義則有如衛文清之考其地于春
秋徵其事于十五國風暨司馬子長班孟
堅諸書而竊取其義則歸之創志修志與
續志者若夫山互峙于東南汾曲抱于西
北自成師申生而下曲沃之名與天無極
因有志于邑乘之缺遺徵文考獻不敢鹵

莽不敢畏蕙則中丞賈膠侯之言也不避
炎暑兩旬而剖劂告成周侯鉞有足多焉
至若以沃爲奧區爲河東劇地獨于吏疲
民困三致意大梁張大夫諒亦有感而云
然語有之士生人人生事事生志亦一時
探本之論哉衛中憲曰志者志也一邦之
人有事于此而悉志之一邦之宰有事于
此而悉志之志之者何將以扶翼斯人俾
助流教化於無窮斯作志者之志也故志
山川而動保障之思志賢哲而發景行之
願志戶口志賦役登耗與繁簡昭然志士
習志民風端邪與忠薄具在志之所係重
矣哉若此諸君子之言是皆不可沒者彙
刻以弁簡端亦以示公也

同學諸子公纂

曲沃縣志

纂修姓氏

總裁

賜同進士出身文林郎曲沃縣知縣

潘錦 崇安

監修

曲沃縣儒學教諭乙卯舉人

曹斌 寧鄉

曲沃縣縣丞

嚴錕 嘉興

曲沃縣儒學訓導辛未歲貢

范斌 岢嵐

協理

天 孫 興 史

士 類

曲沃縣典史

馬士麟

寶豐

編次

邑

人

韓煜

邑

人

衛台擢

分纂

邑

人

仇翊道

邑

人

賈鳴璽

邑

人

許齊燕

參閱

邑

人

李佐黃

邑

人

王襄

邑

人

仇定世

較訂

邑

人

鄒式玉

邑

人

仇醇

邑

人

李維翰

寫圖

邑

人

劉縉堯

縣誌凡例

一通誌郡誌俱稱誌未有稱史者邑誌舊稱沃史非是今改從曲沃縣誌

一是編大要本沃史而參以通誌郡誌但沃史紀載該博或擇焉而不精是編意在簡雅句櫛字比惟山川較沃史頗詳世有桑鄴知必不以斯言爲河

漢

一史書帝王命討之權故有勸有懲誌則紀一邑之事事故有美而無惡舊誌有檇杙傳備載驪姬嬖盈

諸事然二事已雜見人物傳內嫌其複出且非誌體故不敢沿襲

一凡父子例皆合傳惟名臣碩輔事關經世大業者方爲分載沃史父子人各爲傳旣於傳例不合又失附見之義故不敢從同惟國朝人物間有分傳者以事貴詳核也

一稗官野史古今不廢今編爲雜紀一卷雖事涉語怪然黃熊臺駘杜回伯有之類左氏並載餘慶餘殃昭昭不爽亦示人以修抹修禳之一端耳


一是編始於乙酉仲秋閱四月而告竣網羅考訂仇君諱翊道賈君諱鳴璽許君諱齊燕之力居多間有叅以末議者然必質之三君子而後論定文獻在前余則管窺蠡測之見也夫

崇安潘 錦識


曲沃縣圖



縣治圖



儒學圖



參宿圖



歌
 總是七星觜相侵
 兩肩雙足三為心
 伐有三星足裏深
 玉井四星右足陰
 屏星兩扇井南襟
 單井四星屏上吟
 左足下四天廁臨
 廁下一物天屎沉

參十星明中星西第一星注西火十二度半○王共
 四星明西北星注西火十六度少人畢部十一度
 三度半○

○左肩
 二星
 左足
 廁
 屎

參
 右肩
 右足
 玉井
 單井

屏星

參十星距中星西第一星去極九十二度半○玉井
 四星距西北星去極九十八度少入畢宿十一度半
 ○天屏二星距南星去極一百一十五度入畢宿十
 三度半○軍井四星距西南星去極一百五度半入
 畢十四度○天廁四星距西北星去極一百一十八
 度半入參宿二度○屎一星去極一百一十五度入
 參宿三度半

參宿圖



三星相近作觜
 觜上座旗直指天
 尊卑之位九相連
 司怪曲立坐旂邊
 四鳥大近并鉞前

觜三星距西南星去極八十二度半○座旗九星距
南星去極六十度半入參宿八度○司怪四星距西
星去極七十一度入參宿六度半



景

圖

晉城春色

八景




照殿氷嶽

八景




照殿氷嶽



濟溪極月





八景



景明飛瀑




絳山晚景




喬嶽晴嵐



神波落雁



八景



龍廟蓮潭

曲沃八景惟景明瀑布山水甲於河東游屐之所嘗
到餘則邑人亦未遍歷也修誌竟取而圖之得毋捫
籥之見乎然山川盤鬱風雲萬態一日之間目之所
觸耳之所聞足之所歷莫非景也審是八景皆可作
瀑布觀也世有荆關其必無象之然乎崇安潘錦跋

曲沃縣志目錄

卷之一

建置沿革

卷之二

星野

卷之三

疆域

卷之四

山川

卷之五

形勝

卷之六

城池

卷之七

公署

卷之八

學校

卷之九

壇壝

卷之十

戶口

卷之十一

田賦

卷之十二

水利

卷之十三

方產

卷之十四

郵傳

卷之十五

秩官

卷之十六

師儒

卷之十七

貢舉

附馳封

卷之十八

人物

卷之十九

列女

卷之二十

流寓

卷之二十一

鄉耆

卷之二十二

祠廟

卷之二十三

關梁

卷之二十四

風俗

卷之二十五

古蹟

卷之二十六

墳墓

卷之二十七

仙釋

卷之二十八

祥異

卷之二十九

藝文

卷之三十

雜紀

曲沃縣志卷之一

建置沿革

曲沃見於詩再見於春秋以晉侯封桓叔於曲沃也夫曰於曲沃則未封之先已有曲沃在焉以禹貢按之當在冀州之域厥後或爲新城或爲左邑或爲屯亭爲絳至後魏一仍其舊遂至於今不變上下數千年間天運人事代謝何窮而虜祁故宮依然猶昨也蓋桓叔之所遺遠矣志建置沿革

唐堯時分九州沃在冀州之域

虞舜肇十有二州沃仍屬冀

夏禹復九州之域沃在冀州

周晉昭侯封成師於曲沃○獻公去沃都絳使太子
申生居焉遂爲之城號新城卽新田○景公遷都

新田

秦爲左邑屬河東郡

漢初制如秦新莽改爲飛寧

東漢爲絳邑屬河東郡

西晉屬平陽郡隸司州

後魏復曲沃屬正平郡隸東雍州

北齊屬絳州

隋屬絳郡

唐屬絳州隸河東道

宋屬絳郡防禦隸河東路

金屬絳陽軍節度使改屬晉安府又改屬河東南路
轉運司

元屬絳州隸平陽路改隸晉寧路

明屬平陽府通隸山西布政司

國朝因之編爲三十六里

沃縣志卷之二

星野

周禮保章氏以星土辨九州之地所封封域分星隸之以察災祥按天宮分野晉分參井之次參觜之野晉寧分之沃邑麗焉觜星三爲商旅在氣爲火參星三爲斬艾在氣爲水其外四星則實沈也天道人道相爲感召詩曰明明在下赫赫在上可不敬與志星野

按曲沃觜參分野左傳史記兩漢地理志後漢郡國

志律曆志唐宋天文志明列郡分野皆同惟晉天文志以觜參爲魏之分野屬益州又云河東入張一度容齋洪氏辨之甚詳附識於後

左傳子產曰昔高辛氏有二子伯曰闕伯季曰實沈不相能也后帝不臧遷闕伯於商丘主辰遷實沈於大夏主參武王邑姜方娠大叔叔夢帝謂已余命而子曰虞將與之唐屬諸參而蕃育其子孫及生有文在其手曰虞遂以命之及成王滅唐而封叔焉故參爲晉星

史記天官書曰參爲白虎三星直者是爲衡石下白三星銳曰伐爲斬艾事其外四星左右肩股也小三星隅置曰觜觶爲虎首主祿旅事註曰觜三星參三星外四星爲實沈於辰在申魏之分野
西漢地理志觜觶魏之分野餘同史記

後漢郡國志註自畢十二度至東井十五度實沈之次於辰在申謂之涪灘於律爲鐘呂斗建在巳今晉魏分野

律曆志註自畢六度至井十度謂實沈之次晉之分

野

晉書天文志自畢十二度至東井十五度爲實沈於辰在申魏之分野

唐書天文志觜觿參伐實沈也初畢十度餘八百四十一秒四之一中參七度終東井十一度得漢之

河東古晉魏地

宋史天文志天市垣東蕃第七星曰魏西蕃第九星曰晉地理志河東當觜參之分

明列郡分野平陽府古冀州觜參分野

容齋洪氏隨筆曰晉天文志謂自畢至東井爲實沈於辰在申魏之分野屬益州且魏分晉地得河內河東於益州了不相干謬亂如此而出於李淳風之手豈非蔽於天而不知地乎

徵生趙氏曰星野出天官書本巫咸之意而作其後魏甘石二公之星經及漢唐志載晉丹元子之步天歌遙相祖述代加衍溢模倣想像多失巫咸之真獨五緯經星世所共瞻爲正故參觜二星當實沈之次晉之分野其說是也且曲沃爲冀州地

曲沃縣志卷之三
猶彈丸耳執以槩占全域果無踈漏又堪輿十二
次之分參井冀也兩漢而下說者紛紛余益不知
其端委矣姑述所聞俟禱龜梓慎者財焉

曲沃縣志卷之三

疆域

自規方畫野肇於禹貢三代封建遂各有分土周東
遷晉昭侯封桓叔於曲沃按其幅員僅在子男之列
然都鄙溝洫具在版章利害所在固職方所周知而
亦形方氏正其方域使不至於華離者也志疆域

廣六十五里

袤七十里

東至翼城縣樊店界二十五里

西至絳州張楊村界四十里

南至絳縣步坑界三十里

北至太平縣豫讓橋四十里

東北至浮山縣一百三十里

東南至垣曲縣一百八十里

西南至聞喜縣一百二十里

西北至太平縣五十里

北至平陽府一百二十里

北至山西布政司七百里

東北至

京師一千九百二十里

曲沃縣志卷之四

山川

曲沃之山二曰喬曰紫金水亦二曰汾曰澮汾見禹
貢注及山海經水經注諸書澮亦入水經而兩山則
圖經之所不載卽廣雅所謂天下名山五千二百七
十者俱弗著其名與地兩山之得與與否亦未可知
也昔郭景純之注山海經也曰山川者或同名而異
實或同實而異名或一實而數名歷代久遠古今變
易有不可得詳者豈非篤論哉然高山大川莫自神

禹庸以別其州境立之爲鎮秩其宗而有主之者也
以今耳目所睹記七十里中巍巍乎湯湯乎爲之紀
綱各以類從其斯之爲曲沃也已矣志山川

喬山

山當縣東北偏去縣四十里太行之支也按禹貢注河
北諸山皆自代北乘高而來其西又次一支乃爲太
行穆天子傳天子命駕八駿之乘造父爲御升於太
行太行者神僊傳所謂王烈搏青泥爲飯者也山海
經注以爲在河內野王縣西北折而西自澤潞達平
陽之東境是爲翼再折而西爲喬山山下廟曰下廟
循廟東北望雙峯峙空中遵磴造峯頭雙峯猶山麓
也北壁萬仞徑乃絕好事者鑿石梯之兩人朋登才
容一身前者踵後者頂上攀下踐手足皆石矣石歷
歲久又動搖不可定遊者輒半塗歸迺迂道東峯之
左由山後登梯如前稍稍曲耳旣躋四顧羣山皆斷
嶄然削成南北可三四丈東西少廣有石室無驅道
人嘗居之爲詩三章石壤不能全辨矣首章有曰入
山皆異草深谷生幽香次章有曰六經無一字 聖

乃同歸三章有曰天地與浮氣莫作道互根真精無
內外懸牝丹之門蓋昔之棲隱者環山多栢生石罅
中與曲磴上下雨歇雲散蒼翠欲滴八景喬嶽晴嵐
卽此

中峯祀軒轅黃帝廟燬石柱鐵瓦猶有存者歲時山村
父老執籩豆奔走廟下遇旱禱者杳至輒有片雲止
簷際遂雨史云度四時治五氣登九山撫萬民軒轅
氏之德遠矣山中有石洞窈然無際昔有樵者好奇
入探遙聞水聲潺潺懼而返山實覆其上如橋然今

省作喬史云黃帝崩葬橋山此其地也或曰橋山在
關中嘗考周程本以黃帝葬斯山特著問鼎文程與
孔子友當非妄語者或曰斯山蓋葬黃帝之衣冠云
巴陵楊一清詩曰綽楔重開此廟門龍光真見鼎湖
存安居粒食年年是須信秋毫盡帝恩劉繼志詩曰
百仞巉巖俯八荒軒轅舊闕接雲鄉騎龍漫說登天
去晴日山頭問夕陽

其東臥龍山一名太尖山元王暉嘗秋日自曲村東北
行登山賦詩太尖山前好原隰隴畝縱橫忘南北人

家種麥秋社前一片蒼煙朝雨濕田家稍豐卽昇平
十年遊宦功無成會須了却人間事白髮歸來伴汝
耕舊志隋時有龍臥此嶺複巒迴中抱招提山嵐寺
也寺前壑中石井清寒井石苔蘚作老綠色寺左右
多異木不可辨名西北之別峯浮圖立雲中西顧汾
水如帶乙亥地大震遂頽然矣

其西壚頭山其巔畧坦爾雅所謂上正章也故名峯側
有石龕似避世地或謂昔有客將築蘭若未成而罷
今鐵鐘猶在

又西蜿蜒十餘里至於蒙坑魏書將軍安同曰臣嘗受
遣詣絳督租見汾東有蒙坑東西三百餘里蹊徑不
通又五代時劉旻攻晉州周太祖遣王峻爲行營都
部署得便宜行事軍出絳州前鋒報過蒙坑峻喜謂
其屬曰蒙坑晉絳之險旻不分兵扼之使吾得過此
可知其必敗蓋此地也

紫金山

山西南接首陽王屋在其東南南去縣十三里高五里
盤踞百里首陽書曰雷首穆天子傳水經亦曰雷首

惟闕駟十三州志曰一名獨頭山按詩采苓采苓首
 陽之顛其證也地志以為在河東郡蒲坂縣南王屋
 仙經為小有清虛洞天與真誥南嶽夫人言明日當
 詣王屋清虛宮其說同古今地名所謂本冀州之河
 陽山博物志所謂山狀如垣故地志以為在河東郡
 垣縣東北兩山含精布氣東西錯峙一自東南來踰
 絳及於西北一自西南來歷解夏聞喜及於東北精
 交氣結遂為紫金山或曰海上紫帽山中有高隱者
 遺客米半升客煮之粒粒皆金故此名紫金山非也古
 志謂產銅金母銅子名或取諸此而今山麓
 柿秋深霜清萬葉流丹林中虎落錯互巖岫間望之
 如赤城云

其巔為四稜寨寨有紫陽宮凌空抗勢絕壁如削北拱
 縣城猶列屏然燕張詩紫陽宮詩曰青山迢遞萬盤
 來金殿平臨日月開倚劍漫誇龍虎觀吹簫別起鳳
 凰臺松風謾謾靈旗動桂月蕭蕭鶴馭回此地遊仙
 真有夢何須泛海問蓬萊

迤東紫霞宮宮側風洞在焉山下村曰裴南村中舊有

好南華者破產築之日習靜其中丹爐猶在也洞深
莫測時聞風聲習習云

再東青玉峽南北二里許東西兩崖對出高數十仞挾
其勢以相衝石立其間仰而欲起者俯而臥若伏者
獨立一無所與者衆處相扶持而不離羣者其氣蒼
森靜穆六月過之遂不知暑也

再東老子廟老栢繞廟左右或當山頭或當山半或當
山蹊上者顧丁若揖之使前下者趨上若瞠乎其後
其中霜皮鐵幹有經數百年不壞者遠望之翠黛
望不知有山斯亦一奇觀矣

遙西郝家山明人郝修已賜田也修已嘗躬耕於此後
服官清介洪武間予而旌之紫金故童山獨此茂樹
芳草異於別岫也

再西冰巖山峽有泉下注被於石厓方沍寒時涓涓徐
來堅冰漸結山中日月虧蔽雪留霜積三四月猶存
晉都澮水之北遙與巖對八景照殿冰巖卽此想當
時垂衣南眺如玉龍垂鬣高懸天半矣靳榮詩有曰
遠映朝衣環珮冷正當黼座冕旒明

再西觀音山山有祠祀觀音大士故名昔有禪者居之
鐘聲磬韻萬谷答響當二月間焚薌者凌晨迨暎而
登於今此風少息矣

再西絳山山東高西下獨受夕陽迴光所被霞生壁間
下視山村則已暮色黝然也八景絳山晚照卽此歌
純詩有曰澹景來時霞欲散微光照處鳥將棲而水
廷寶之句晉城南北碧峯多餘光不及可奈何何
婉而善怨也

汾水

水西北來逕趙莊去縣三十五里山海經北次二經
之首在河之東其首枕汾其名曰管涔之山其上無
木而多草其下多玉汾水出焉水經汾水出太原汾
陽縣北管涔山按禹貢旣修太原至於岳陽太原今
太原府管涔山在今靜樂縣實隸太原岳陽地志所
謂霍太山卽太岳也山之南曰陽水經所謂又南入
河東界也歷今平陽府襄陵太平兩縣趙莊趙文子
食邑國語文子冠見諸大夫受辭歸以語張老老曰
善矣而終之曰是先主覆露子也蓋自周穆王封造

父於趙因以爲氏後叔帶入晉累傳夙共孟衰盾朔世爲執政故縣又有西趙北趙諸村朔爲屠岸賈毒殺支子以程嬰公孫杵臼得免嬰杵臼墓在汾水西太平封內或曰趙莊卽其藏真孤地

又南逕南北兩封王村至於高縣合水注之翼之覆釜堆之東北有水出壑中厥名曰滄繞堆西南行隨壑曲折達於縣之王村村東壑中亦有水不知名來與滄會又有井二涌而突溢滄於是始大里人遂種稻栽藕也西行踰吉許村逕郇村北響水泉入焉泉被

屨半瑟瑟有聲泉之西溫泉乃至溫泉在海頭村又名七星泉又名七星海以泉有七也又名龍泉宜蓮八景龍廟蓮潭卽此靳榮詩有云想是龍宮愛異葩龍孫剪采作荷花關里孔公恂詩有云龍去潭空事渺茫紅蓮歲歲自成芳平陽府志曰其水冬則溫氣如雲霧春半里人用以灌田秋半爲渠滙於滄滄於是益大故曰合也合水趨而西歷閻家河莊頭屯裏三村村人倚厓穴處小籬落耳門臨流水饒有野趣再西爲白集橋先是橋未成民殊病涉吾始選長石



原件短缺

P9

爲之民謠曰秋水滔滔波深浪高濟我今潘公之橋
吾蓋聞而愧之橋北細泉徧吐蘆荻蕭蕭風動霜飛
行者皆有秋思厓頭老栢荒楸李大嘉之墓在焉橋
西兩岸灌木叢生水煙冒林三四里許則是高縣矣
西南逕高陽村再南是爲汾陰或曰高陽氏有才子八
人天下謂之八愷舜舉之使主后土按綱目前編高
陽邑名今保定府高陽縣此非也汾陰則漢新垣平
所謂臣望東北汾陰直有金寶氣者後武帝立后土
祠汾陽親望拜如上帝禮通典云汾陽男子公孫崇
襲尊勅堂藏弄累朝御書別築八景園於南莊之西
優游其中以攬汾水之勝先是汾水去園不百步後
屢徙而西遂與園遠而園亦就荒矣

西南行稍折而南繞大李村北翟鳳翥裴氏譜曰三眷
子孫散處各方寂居臨晉泰居大李村其地也又尙
書賈公漢復故里漢復當明季嘗臨汾浩嘆有澄清
之志卒而撫秦豫庸酬厥願矣村東北隅崇臺曲榭
林深而花明者裴兵部從度昆仲景野園也從度泰
後

趨而西逕小李西李觀褚平望諸村水經注曰汾水西
逕虞祁宮北宮當諸村之南在羊呈村晉平公爲梁
地也詳古蹟昔漢武帝行幸河東濟汾河作秋風辭
或卽此地其辭曰秋風起兮白雲飛草木黃落兮雁
南歸蘭有秀兮菊有芳懷佳人兮不能忘汎樓船兮
濟汾河橫中流兮揚素波簫鼓鳴兮發擢歌歡樂極
兮哀情多少壯幾時兮奈老何

西逕臺神村再西爲絳州界臺駘汾神左傳子產曰昔
金天氏有裔子曰昧爲元冥師生允格臺駘臺駘也
業其官以處太原帝用嘉之封諸汾川故此有廟也

澮水

澮水自東北入縣境爲東賀村平樂村循南范吉莊兩
村西行是東西吉璧村逸雅注溝曰澮澮會也小溝
之所聚會也水經澮水出河東絳縣東會交東高山
注曰西逕翼城南詩譜言晉穆侯遷都於絳孫季侯
改絳爲翼翼晉都也在翼合黑水嶺水北川水謂之
澮交叉合賀水高泉水紫谷水女家水范璧水亂流
西南昔有白璧出水中故曰吉璧也

踰尉村舍官村逕徐孝子村曰南董再西逕盈村尉村以周勃得名蓋勃官太尉也徐孝子詳人物盈村樂盈食邑也盈書之後左傳懷子好施士多歸之辛俞從之奔楚其言曰三世仕家君之再世以下主之事君以死事主以勤然則俞亦義士矣

過常村歷上下兩裴莊望絳村至於交里有橋束之橋東絳水挾清水來絳水卽沸泉出今絳縣之西山下溢爲池方廣幾半畝池底泉無筭涌而突上纍纍如貫珠中有草綠葉扶疎搖搖如風之披拂也北趨青

玉峽卽趙微生所謂蒼玉峽者峽中多危石勢與水拏折而左右行石益危且多水則益怒乃至懸崖激之下注則八景所稱景明之飛瀑矣其北截以石梁而西則何本美箭隨峯高下杏塢樓風弦閣之遺址在焉其東絕壁高出崖上下多怪石虎蹲虬臥不一狀由石罅可達瑞石園之翠微巖園元名白石白石山人所構也松壇白雲洞諸勝咸在水濱雲晴風恬波濤弗興東西山木石之參差臺榭之錯落墮景水中浮光搖動富秋水時漲崖口告狹則直踰石梁之

北如長虹橫臥空中垂頭渴飲厓下亂石砰磕又如
伐鼓雷門萬山皆響水經注絳水奮湧揚波懸流奔
壑十一許丈青厓若點黛素湍如委練望之極爲奇
觀蓋實錄也清水入絳在上裴莊西絳與清入澮在
下裴莊西裴莊故有桃花塢仇氏琳別墅也觀察昌
祚撤塢而新之易曰漪園自爲記其畧云中間四並
堂三楹廣三筵輪四弓有厓上爲迎暉閣其延表視
堂之制而高則自簷至基崇五尋而羸外設楯欄以
恣登眺堂東不數武稅節輪奐如翬斯飛者羣翬

也軒南面東一楹遠望林壑鬱然深秀近挹平瀨
溪澗坊者濯纓亭也亭南綺窓繡檻東西並啓若桂
楫棠舟鼓棹於秦淮雁宕之中者陸舫也堂之右偏
一扉獨闢隱見於花陰竹叢之外者知止庵也庵內
一室僅足容膝倦遊偶憇自謂羲皇者蝶夢齋也齋
南圓寮忽闢少折而前有亭翼然老藤覃葛糾繆紛
披於枵柳樛木之上如金水之錦步障以作画屏者
枕流亭也亭外曲流滢洄繞欄而西可濯可漑以泳
以遊者清流渠也斯渠又穿衛太守台揆藕花莊中

莊樹高柳數十章古藤繚繞之錯列堤上堤南北鑿塘種蓮塘各畝許無他雜花戊辰七夕嘉蓮生一莖兩蕊客爭賦詩台揆得句曰倒影雲山少見期如何密倚此清池多應織女橋頭去太白偷來兩侍兒

橋之西逕南吉村至於安吉村安吉村元名河底人家多處厓上水流厓底故名水嘴厓崩間得春秋間法物如敦彝之屬者而今不可復見矣厓半有園衛大行台擢顏之曰思厥弟台瑞白水村有懷堂登臨之下不忘紹衣其意一也雲龕雨樓層累及巔台瑞堂歌詩寄懷有山徑早聞多木石草堂應不少琴書之句

其南濟溪來會按禹貢導沅水東流爲濟水經注濟水出河東垣縣東王屋山爲沅水又東至溫縣西北爲濟水此實非也然考穆天子傳江淮河濟爲四瀆說苑云瀆能生雲雨千里爲施甚大以視諸侯而祀典有功德於民者則祀之澮南實祠濟瀆溪出祠側故曰濟溪矣溪旁有滿水井流泉活活歲上已都人士祓于溪上寶馬香車絡繹長林中歌謳之聲相聞有

唐時清明上河之風焉八景濟溪梅月卽此

西逕東西兩韓村縣東北偏又有南韓村皆晉韓氏之
采地東韓村有宜園焉韓進士宣讀書堂也四明周
斯盛爲題其壁曰猿鶴非無意龍蛇自有因山川奇
字滿風雨短檠親夜靜泉聲近天寒酒力真相期松
桂在莫漫惜閒身馮駿亦書其後曰卜築東臯上悠
然出世情好山窓裏見急雨夜來鳴雲樹綠新態石
泉足舊聲清吟猶未已隔水嘯黃鶯

再西北岸逕城小香邑喬郭秦諸村南岸逕金沙里
單家營張少程諸村兩厓人好種杏至數十萬株春
時萬萼皆吐澹紅妍雅間亦種藕種稻澹至此水光

益暢矣周顯王七年魏敗韓趙之師於澹卽此地也

直西逕王之旦墓右屈而南又西至侯馬橋之旦嘗著
日新學規就質謚敏果魏公象樞及卒魏弔以詩曰
平生砥礪幾多年向我還求一着鞭有淚於今何處
酒筍中檢取日新篇橋東西是晉平公與齊景公相
會地汲冢瑣語云晉平公與齊景公乘至於澹上見
人乘白驂入駟以來羸身而狐尾去其車而墮公之

車公以問師曠曠曰狸身而狐尾其名曰首陽之神
飲酒於霍太山而歸其逢君於澮乎君其有喜矣蓋
於是水之上也

又西過上馬宋郭汾上三村逕東西陽呈兩村北陽呈
北有虎祁宮水經又西南過虎祁宮南注曰宮在新
田絳縣故城西四十里晉平公之所構也時有石言
於魏榆晉侯以問師曠曠曰石不能言或憑焉不然
民聽濫也抑聞之作事不時怨譟動於民則有非言
之物言也今官室崇侈民力彫盡石言不亦宜乎
向以爲子野之言君子矣竹書紀年所謂澮絕於梁
卽是水也

又西逕灣里小韓東西南張莊里諸村澮於是出沃境
矣水經西至王橋注於汾水王橋今絳州地

曲沃縣志卷之五

形勝

沃南北皆山也南山之北不六七里而遙有水曰澮
北山之南不二十里而遙有水曰合澮之南合之北
其正轟然以高其壑窈然以深各抗厥勢以接於山
而澮之北合之南東南澮高山東北覆釜堆峻嶒離
立輪囷蓬勃踰翼以達於沃七十里中修岡孤阜平
疇高高下下以直者環以曲者蹙之隘而徇之敞
者皆兩水東焉而西西復匯以汾蓋嘗周覽四境竊

思景公繼霸主盟中夏者數世雖曰人謀豈非地利哉志形勝

左傳表裏山河

一統志介兩河間

舊志前紫岫後喬峯滄橫其襟汾引其帶山川盤結風

氣攸鍾

西沃縣志卷之六

城池

聞之賈生聖人有金城城固不以形哉乃子輿氏策
滕曰鑿曰築何言之若相違也夫方城抗齊渠丘入
楚往事固然矣今四海一家誰敢以沃爲虞者雖然
勇夫重閉况儼然百里乎故自詭諸以來城屹於中
池環其外周覽坊鄉則又近者星羅遠者碁布雖一
邑而先王居重馭輕之意可以想見焉志城池坊鄉
並附

縣城隋開皇十年自樂昌堡徙治今址始築土城唐

宋元因之○明洪武二年縣丞邢彥文重修○正

統十四年知縣張寧大修高二丈五尺厚如之隍

深二丈五尺闊四丈周三里五十步缺東北角○

正德十一年知縣葛禴增築雉堞上易以甃四門

建樓四角建角樓周圍建舖舍二十五座門四曰

迎暉曰覽翠曰望汾曰拱極○舊城原無北門嘉

靖二十二年知縣陳萬言自舊城東北西南二角

接築高厚如舊城周六里五十步四面共四百一

十垛炮臺二十五座始闢北門一東門二南門二

西門一合舊西門二共八門大南門曰遺薰小南

門曰德暉北門曰星共上西門曰上升大東門曰

來青小東門曰迎旭中西門曰中興下西門曰德

潤○二十八年知縣劉魯生建東西城樓各一○

三十四年知縣張學顏因地震重修○隆慶元年

知縣郭廷梧增築內外城各加一丈共高三丈五

尺收頂一丈○崇禎三年知縣張文光築各門月

城○十五年知縣石瑩玉甃甃北門城

國朝康熙二十四年知縣何遵約重修○二十七年翼城縣知縣署曲沃縣知縣司鉉修北門上西門中西門弔橋○三十四年知縣潘錦因地震修城三十八年修中西門樓三十九年修中西門弔橋四十四年修上西門月城

境內鎮蒙城侯馬西莊曲村高縣凡五處

境內市十四

布市 棉花市 絨線市 菜市 果市

雜貨市以上在古南關廂

油市 柴市 米糧市城內關外遞轉每三日

上在古東關廂羊市在上西門內

書市 靴市以上在古通利坊

棗市 靛市以上在古南關廂

境內集九

東閻集在古東閻里 王村集在古北王村里

曲村集在古方城里 下鄔集在古東下鄔里

蒙城集在古蒙城里 高縣集在古高縣里

西莊集在古西莊里 侯馬集在古下馬里

隘口集在古驛橋里

明崇禎十五年兵荒累歲戶口凋殘知縣石瑩玉

奉部文以舊六十八里攢為三十六里

國朝仍之開列於左

南薰里附郭

東馬莊五里

韓河里村六

韓村五里

安吉五里原河底村

薛莊十里

安鵠十里詩稱從子于鵠即此

南吉村五里

山底十二里

上吉里村六

上裴莊十三里

下裴莊十一里

交里十里

北董十五里

南董十六里

李野十七里

林交里村三

林交二十里

任莊十八里

裴南莊十五里

景明里村九

景明二十里

白水二十里

東明德十五里

西明德十五里

營里十里

西周十里

常村十里

常安莊八里

望降八里

東閣里村七

東閣鎮二十五里

西閣二十四里

南下郇二十里

盈村十二里

舍官村十二里

尉村十三里

楊家院十一里

北房西里村六

南屬寺二十五里

北屬寺二十五里

義門二十里

東周十五里

東下郇十八里

北下郇十八里

吉樂里村六

東吉璧二十里

西吉璧二十里

吉莊二十里

平樂二十五里

衛范二十五里

東賀村二十五里

靳城里村三

靳莊二十里

南常十五里

庭城十五里

朔賢里附郭

上西關

西史里村七

史村二十里

辛村十五里

秦岡二十五里

張范二十五里

東楊十里

西楊十里

大楊村十里

郇西里村七

郇村二十里

東常村十七里

西常村十六里

河上十六里

縣册二十二里

吉許二十里

周莊十九里

東王里村七

北王村二十五里

東海二十五里

西海二十五里

南韓二十七里

常家圪塔二十五里

羊舌村二十四里 羊舌大夫故里

毛張三十里

趙城里村九

北趙村四十里

方城三十里

下營里四十里

陳村四十里

小巨村四十里

東白塚三十五里 白起葬此

西白塚三十五里

堯都村三十里

焦莊三十里

義祥里村六

修義三十里

吉祥三十里

義城三十里

山下三十里

容裕三十里

曲村二十五里

東楊里村七

楊莊三十里

南 聞喜莊三十里

北 辛村三十里

南柴村三十一里

北柴村三十一里

東下塢三十二里

安定三十五里

楊賢里村六

溝東五十里

溝西五十里

譚家莊六十里

漫戶五十里

楊家莊五十五里

續家莊六十五里

八頃里村二

八頃四十五里

問卦三十五甲

東興里附郭

大東關

西張西里村三

東張寨五里

席村三里

西張寨五里

西亭里村十

東寧十里

鄆底十里

張莊七里

上大許九里

下大許八里

南大許八里

小吉村六里

東許十二里

西許十一里

蘓村五里

苟王里村十

苟王十里

林節十里古名東絳村北鄭村十里

安居十里

安泉十五里

神泉十里

北白集二十里

靳家院二十里

常家院二十里

西白集二十里

段家院二十里

蒙城里村八

蒙城鎮四十里

西村四十里

文吉村四十里

李村三十里

北辛村二十五里

趙莊三十里趙文子邑南封王二十五里

北封王二十七里

文高里村五

高縣鎮二十里

高陽村二十里

汾陰二十里

北莊二十里

西上官十五里

上秦里村九

南上官十里

南秦十五里

西趙村十里

小賀村十五里

楊村十五里

南王五里

北王六里

東城五里

西城八里

南莊里村八

南莊二十里

東莊十五里

北郭馬十五里

大里二十里

南郭十八里

北郭十八里

南郭馬十五里

小南莊二十里

觀莊里村六

觀莊三十里

褚村三十五里

西里三十里

西小里三十里

張村三十里

東小里三十里

西通里附郭

下西關

小西關

楊林里村六

林城十里

鳳城五里昔有鳳鳴于此

城小八里

南楊村五里

香邑十里

西韓村六里

張喬里村六

喬村十五里

張少三十里

金沙十五里昔沙圪塔

營里二十里

山底五里

程村二十五里以晉程子得名

西郭里村六

西莊鎮二十里

郭村二十里

秦村二十里

厓上二十里

程王二十里

北董二十里

下馬里村七

侯馬鎮三十里

西侯馬三十二里

宋郭三十二里

分上三十三里

台店三十五里

上馬三十五里

埡上三十里

南高里村五

東高村四十里

西高村四十二里

臺神四十里以臺駘廟名

上平望三十五里

下平望三十五里

驛橋里村九

驛橋四十里

史店三十五里

隘口五十里

下院里三十五里

東南長四十里

西南長四十里

莊裏五十里

上院村四十五里

衛家莊五十五里

西賀里村五

灣里四十里

西賀村四十里

張王村四十五里

小韓四十五里

西陽城四十五里

褚牛里村五

辛店三十里

馬莊三十二里

牛村三十五里

褚村三十七里

北平望三十七里

曲沃縣志卷之七

公署

蓋吾來沃歷十餘年所而不敢一言濟寧也煢煢諸
 赤子方鞠謀之不遑而况於築其忍乎故自地道
 告災式瞻堂上德足蔽風雨其他廨舍圯者幾半或
 曰烏革覆不可復覩矣何以示民極夫於時處處
 於時語語固未嘗無其地也若塗墜茨則願俟之異
 日志公署

縣治在舊城東北隅明洪武二年縣丞邢彥文建成

化七年知縣高隆正德十一年知縣葛禴萬曆十三年知縣何出光各重修正堂三楹儀門三楹東西角門各一楹南豎彰善癉惡二碑大門三楹左右徵收所各七楹六曹廊東西各十楹正北爲知縣宅萬曆三十七年知縣趙彥復作書舍於縣治前吏廨在主簿宅前

龍亭在堂後左

庫藏

在堂左

幕廳在堂右

戒石亭在堂前

架閣庫在堂後右

寅賓館在大門內東萬曆十三年知縣何出光建

榜房在大門外

旌善亭在大門外左洪武七年知縣朱武建

申明亭在大門外右知縣朱武建

蕭公祠在縣治吏廨

獄神祠在囹圄

土地祠在縣治大門內西

馬神祠在縣治大門內西

察院在縣治西成化八年知縣高隆建

布政分司在縣治西明宣德九年知縣燕雲建

按察分司在縣治西明景泰二年知縣張寧建

府館在縣治東南

儒學詳見學校

稅課司在縣治南洪武六年縣丞邢彥文建

蒙城驛駐節堂五楹前堂三楹廚房倉庫四十楹

樓三楹察院一所驛丞宅一所今廢馬房東西二

十楹俱萬曆十年知縣沈時叙建

侯馬驛駐節堂五楹前堂三楹廚房倉庫四十楹鼓

樓三楹察院一所驛丞宅一所馬房東西二十楹

俱知縣沈時叙建

侯馬遊運所前廳三楹後廳三楹前廂房三楹後廂

房三楹大使宅一所明洪武八年知縣朱武建嘉

靖二十四年知縣石鯨重修今廢

陰陽學在縣治西成化八年知縣高隆建

醫學在縣治西成化八年知縣高隆建

僧會司在東禪寺

道會司在玉清觀

養濟院在縣治東南洪武七年知縣朱武建天順六

年知縣王聰成化二十一年知縣劉璣

國朝順治十七年邑人賈生芝各重修

漏澤園一在城北一在城西邑人賈漢復建

鐘樓在縣治西南

國朝康熙七年知縣周鉞移建正西

譙樓卽南城門樓正德十一年知縣葛禴建康熙七

年知縣周鉞移建舊城東門樓

演武場在城北正德十三年知縣侯秩建

常平倉在縣治西洪武三年主簿張友直建成化八

年知縣高隆重修康熙三十七年知縣潘錦重修

添建倉廩九間

社倉在縣治西南嘉靖三十一年知縣陰秉陽建一

在古南門外賈祠東側康熙七年邑人賈漢復建

康熙四十四年各里俱設知縣潘錦建

曲沃縣志卷之八

學校

今天下一道同風學校之設徧海內而其繫於曲沃也爲獨重絳州曰經晉霸之餘人多剛悍非庠序之教其將何以柔之然韓獻子則曰其民從教夫草從風景從表昌黎有言風俗與時移易又未可以其地而輕之也邇者

天章下頒訓詞深厚當事復屢檄設塾弦誦之聲達於四境矣繇茲以往頌禮之士內正其心外修其行處

有守而出有爲以彰

盛世廣勵之化余且願爲之廢棧樸之章焉志學校

明洪武二年詔天下郡縣並建學校定縣學生員二十人日給廩膳聽於民間選補十六年奏准縣學自明年爲始歲貢生員各一人二十年令增廣生員不拘額數 正統元年令生員名缺許本處官員軍民之家及社學俊秀無過犯子弟選補六年令縣學二年貢一人遂爲定例十二年奏准令生員常額軍民子弟願入學者提調教官考選俊秀待

名缺一體考送應試 正德十年奏准設廩膳增廣生員各二十名通行提學官考補以後於廩膳內照例考選克貢有多餘者

國朝初考試童生進學不拘額數 嘉靖四年定每考

童生進四十人十七年定進十五人武學如之十八年併科歲兩考爲一 康熙二年停貢八年復歲貢十年復恩拔副榜等貢十二年復三年內歲科兩考進文童二次武童一次十五年定童生進四人二十年復進十五人

儒學在縣治西宋慶曆四年以范仲淹請詔天下立
 學縣令孫民先創建金黃統元年知縣宋瑒泰和
 二年知縣張翬修原在治東南以兵火廢元大德
 四年縣尹完顏從塘主簿賈天衢王德寧改建今
 地七年地震廢縣尹趙英修至正九年縣尹閻得
 中修明洪武七年知縣朱武天順六年知縣王聰
 重修成化二十一年知縣劉璣增修前庠門一楹
 奎垣坊一座禮門三楹名宦鄉賢祠在禮門內東
 西明倫堂三楹進德修業二齋各五楹祭器庫
 卷房在堂東西卧碑在堂左壁後為弘道亭三楹
 教諭宅在堂後訓導宅在東西正德十四年知縣
 侯秩修明倫堂隆慶二年知縣楊時寧萬曆十一
 年知縣何出光三十年知縣蒯諫崇禎元年知縣
 張文光重修

國朝順治十四年知縣劉國棟康熙十六年知縣
 周鉞又修康熙四十年知縣潘錦大修

文廟在儒學西正殿五楹東西廡各十五楹戟門三
 楹東西角各一楹更衣所在左齋宿所在右櫺星

門三楹內為泮池池水來自溫泉鑿城開渠循縣
治而西注入今廢見嘉靖間劉舊志開來繼往門
各一楹在泮池左右洪武十五年頒釋奠儀嘉靖
九年改正祀典易以木主射圃在正殿西宰牲所
在射圃西

啓聖祠在文廟西嘉靖六年知縣潘汝壽建順治十
四年知縣劉國楨建祠門三楹

敬一亭在啓聖祠後嘉靖六年知縣潘汝壽建內立
明御製敬一箴及註釋宋儒四箴康熙四十一年

立今

上御製訓飭士子文碑

文昌閣在文廟東順治十四年知縣劉國楨建

義學在文昌閣後順治十六年邑人賈生芝建又在

城秀字約弟字約各一蒙城侯馬隘口東閭驛橋

八頃北趙村各一康熙四十一年巡撫噶 檄建

社學在城利字約蒙城侯馬神泉喬村西莊驛橋高

縣凡八洪武八年建成化二十一年知縣劉璣重

修蘓村一康熙四十三年知縣潘錦建

祭器止識見在實數餘俟續備

爵銅三十一錫一百三十一共重四十觔

簋簋錫三十重二十二觔

邊錫七十共重六十一觔

豆錫六十共重四十五觔

海尊錫三共重三觔二兩

大香爐錫一座重一十八觔

小香爐錫六座共重二十八觔六兩

大燭臺錫一對

中燭臺錫二對

小燭臺錫十對共重二十二觔八兩康熙三十八

年知縣潘錦輸鑄

祭儀

宋徽宗賜禮品一副內十籩十豆明洪武十五年

頒釋奠儀縣用籩豆各八成化十三年以禮部尙

書周洪謨奏加籩豆縣各十嘉靖九年遵照初制

縣用八籩八豆名宦鄉賢二祠附文廟歲仲春秋

祭用少牢

祭品

香○燭○酒○羊○豕○鹿○兔○帛正位用綾
 餘用絹練白色長一丈八尺○大羹實於登○和
 羹實於鉶○黍○稷以上實於簠○稻○粱以上
 實於簋○鰯鹽○膏魚○棗○栗○榛○菱○茨
 ○鹿脯以上實於邊○韭菹○菁菹○芹菹○笋
 菹○醯醢○鹿醢○兔醢○魚醢以上實於豆

佾數

唐樂用宮縣舞用六佾明初用六佾成化十三年
 增為八佾嘉靖九年仍為六佾

國朝康熙二十六年仍用六佾樂生二十四人舞生三
 十六人歌工四人

書籍

明洪武十四年頒五經四書洪武十七年頒為善
 陰騭孝順事實洪武十八年頒大誥永樂十三年
 頒五經大全四書大全嘉靖元年頒五經白文

國朝康熙三十五年頒孝經衍義 外有教諭董奕光
 一邑人賈漢復捐藏諸書俱載本學冊內

附祀名宦姓氏詳秩官

明

知縣

劉璣

侯秩

李暹

楚書

岳倫

陰秉暘

劉彞

何出光

趙彥復

周士樸

張文光

教諭

何明講

附祀鄉賢姓氏詳人物

周

晉荀息

晉里克按左傳里克弑二君與一大夫義不當與

荀息同享以舊並祀仍之

元

李謙亨

靳榮

劉尙質

明

仇敬

郝修已

曹端

耿純 趙鐸 耿文睿

李進 因綱 李浩

邢彪 李鏞 李廷寶

李明性 李鈞 李尙思

呂乾健 因柱 李日照

李備 許永禧 李齊沆

張國光

國朝

衛根陽 衛嘉孚 賈承信

劉三傑 李永祥 賈生芝

衛嘉遇 衛周循 賈漢復

衛周祚 仇昌祚

附巡撫噶 檄建義學文

山西布政使司分守河東道副使加三級王 為

特飭廣建義學以敦治化之本事康熙四十年十

月初五日蒙巡撫加五級噶 憲牌前事內開照

得義學之設卽古之社學

朝廷念民間俊秀子弟不能延師讀書

日涉學志 卷之八
詔有司廣行教育作興人才以風化其民甚盛典也乃
今之郡邑城市雖已設立鄉村遠在四隅依然絕
響本都院臨蒞之始卽圖修舉緣晉省災荒之餘
尙非所亟茲蒙

皇上休養之恩年歲屢登流亡旣復况山右民多椎魯
動以睚眦殺命口角輕生或嗣續亂宗或喪葬暴
骨或婚姻黷倫種種不法皆因幼失訓迪以致長
悖禮法此義學之設不但訓誨其子弟亦復化喻
其父兄不但勤勞於詩書章句之間尤在致力於

德行心術之本

聖教無一夫不聞則民風無一境不治豈虛文細故哉
須州縣印官各酌邑之大小村之遠近或應設義
學六七處十數處每處葺治學舍數楹慎擇品行
端方不論庠生布衣克稱其職者定以教讀之法
凡童蒙到學令其識字讀書教以跪拜揖讓洒掃
應對先讀小學講明義禮俾知長幼之序孝弟之
義忠信篤敬之言行在家行之於父母昆弟出門
施之於師長親友不得徒事誦讀致失大本至于

營建學舍與延師廩餼鄉村多寺廟可居卽添置
購葺費不甚大生儒一歲不過十數金而已端在
賢守令弁實心舉行會同紳士于明倫堂從長酌
議應設義學若干處所作何區置坐落某鄉卽請
齒德兼優之紳士以董厥成勿假胥役之手所延
生儒學官與紳士公同慎選嚴絕鑽營其生儒三
年五年之後教育有成者作何獎薦均須知府速
督酌議合行飭舉爲此仰道官吏照牌事理卽便
轉行各州縣衛遵奉將議定建學幾處坐落地
延師姓名一面徑報本都院一面由該布政司彙
議詳覆必於歲內完備以期開歲元正舉行檄到
州縣卽先出示通諭本都院相望甚切不得延滯
踵事虛文如或州縣衛官借所費派及百姓一涉
科歛以善舉滋弊本都院峻持憲典決不相貸也
速速等因蒙此擬合就行爲此仰縣官吏查照憲
牌內事理卽便遵奉先將議定建學幾處坐落地
方延師姓名一面徑報

撫院並報 藩司彙議詳覆仍報本道務必於歲

內完備以期開歲元正舉行文到卽先出示通諭
不得延滯踵事虛文如敢借所費派及百姓一涉
科歛以善舉滋弊本道察訪得實定行揭報叅處
決不寬貸

縣志卷之九

壇壝

社稷何以祀也斯民也非土無以立非穀無以生也
沃何以祀社稷也義通上下古者州社之遺也而風
雲雷雨山川何以並祀也嘗考唐制天寶間令諸郡
各置風伯雨師壇因春秋祭社之日同享又詔祀雨
師宜以雷師同壇祭共牲載考梁制大同間郡縣旱
守令齋潔三日祈其界山林川澤常興雲雨者歷代
守之弗變也而厲何以並祀也旣念其生復念其死

也而里何以亦社而鄉何以亦厲猶是通於上下之義也國家愛民之心敬民之法於是乎大備志壇壝社稷壇在城西北明洪武七年知縣朱武建嘉靖九年縣丞王懷禮修

風雲雷雨山川壇在城東南知縣朱武建縣丞王懷禮修

邑厲壇在城北知縣朱武建縣丞王懷禮修

里社壇在各里

鄉厲壇在各鄉

沃縣志卷之十

戶口

蓋沃之戶口視明初所存僅半云或曰自崇禎間災祲始也或曰肩廛者衆隱者亦衆三者余亦疑之乃去其鄉者或曰肩廛者衆隱者亦衆三者余亦疑之乃余亦嘗兩度沃民矣校登而稽上下參伍不同要於前數尙未之有逮夫襲僞增之故智以邀賞余何敢然尺組是縮曾不聞生齒之登耗何以稱司牧哉志戶口

明洪武年六萬二千一百丁 嘉靖年九萬六百六

十三丁 萬曆年四萬九千七百八十八丁

崇禎年五萬八千八百二丁

國朝順治五年二萬九千三百八十四丁 八年蠲免

傷亡人一千二十六丁 十一年復額 十二年清

出土著新編人七十五丁久寓流民三十七丁近寓

流民八十九丁俱下下則 十四年清出紳衿優免

供丁一千八百四十九丁內中中則一丁中下則二

丁下上則六十丁下中則三百六十四丁下下則一

千四百二十二丁蠲免逃故人八十一丁

康熙元年復額 十五年清出吏承優免三十八丁

內下中則三丁下下則三十五丁

康熙元年三萬二千九百一十七丁 二十年清出

不應優免人九丁俱下下則 二十二年三萬三千

二百一丁 四十四年三萬五千二百五丁

上上則無 上中則無 上下則無 中上則二

丁 中中則六丁 中下則四十三丁 下上則

六百八十八丁 下中則五千六百四十七丁

下下則二萬八千八百一十九丁

紳衿優免本身一千一百二十五丁

徵徭例附

中上則徵銀二兩六錢六分八釐二毫六絲七忽八

纖八沙

中中則徵銀二兩三錢三分四釐九毫

中下則徵銀二兩一釐六毫

下上則徵銀九錢九分七釐八毫

下中則徵銀六錢六分五釐二毫

下下則徵銀三錢三分二釐六毫

又新增徭銀一十四兩八錢三分九釐六毫

黃絲覓匠工食銀四十九兩九錢八分七釐五毫

帶徵額外水磨碾課鈔銀四兩六錢一分九釐七毫

一絲五忽遇閏加徵銀一錢二分八釐七毫一絲

五忽

共徵銀一萬四千一百三十三兩四錢八分四釐

九毫三絲四忽一微七纖六沙遇閏加徵銀七十

八兩二錢九分七釐三毫七絲五忽

沃縣志卷之十一

田賦

我

國家屢下蠲租之詔矣厚澤徧敷而在沃則見德獨易
蓋土瘠民貧唐風可考也饑食渴飲之餘輸將恐後
催科無庸斯非守土者之幸哉抑聞之漢臣曰五口
之家能耕不過百畝春耕夏耘秋穫冬藏伐薪樵治
官府給徭役四時無有休息何言之痛也然則重農
貴粟謀其積貯使之益勵公忠之義斯亦守土者之

責已幸不可以常也責不可以諉也志田賦

明民田共六千一百一十三頃一十八畝八分一釐
每畝徵糧不等內除粳米另徵外共糧四萬三千
三百二十一石四斗一升六勺五抄九撮共銀四
萬四千三百二兩三錢二分三絲七忽三微二纖
粳米一十六石九斗六合

屯田共八十四頃三十七畝二分一釐共糧三百六
十五石九升共銀二百六十五兩五錢五分九釐
五毫三絲

王田共三頃五畝二分六釐共銀九兩一錢五分七
釐八毫

國朝民田

上等官水地四十七畝六分每畝徵糧二斗六升七
合八勺折色銀二錢八分二釐九毫

民水地一百二十頃二十五畝九分每畝徵糧一斗
七合折色銀一錢一分八釐四毫四絲

上次等官平地三頃五十三畝二分每畝徵糧一斗
八升二合八勺二抄五撮折色銀一錢九分五釐

九毫八絲三忽

民平地三千六百七十一頃五十七畝二分每畝徵

糧八升二勺五抄折色銀九分一釐八絲二忽

中等官坡地二頃二十三畝七分每畝徵糧一斗三

升二合八勺七抄折色銀一錢四分四釐九毫

民平坡地一百八十六頃五十七畝六分每畝徵糧

六升八合四勺八抄折色銀七分九釐三絲七忽

中等官鹹地二十九畝五分每畝徵糧七升七合二

勺五抄折色銀八分八釐

民家地一千六百八十七頃每畝徵糧五升七合七

勺八抄折色銀六分八釐九絲四忽

下等民灘鹹等地五百四十八頃五畝九分二釐每

畝徵糧二升六合四勺八抄二撮三圭五粒一粟

折色銀二分六釐八絲五忽七微七纖七沙五塵

四渺二埃

以上民田共地六千二百二十頃二十三畝一分

二釐共徵糧四萬三千三百三十八石三斗七合

六勺五抄九撮共徵折色銀四萬九千九百二十

四兩八錢一釐九毫三絲五忽三微內

一項夏秋糧銀四萬九千九十九兩六錢三分八釐

三絲五忽五微

一項地畝九釐銀五千五百九十八兩二錢七釐九

毫

一項驛站銀三千三百二十四兩三錢五分六釐

一項萬曆年加增絲絹銀二兩六錢

平陽衛坐落本縣屯田

上水地三十六畝一分每畝徵糧八升五合折色銀

六分一釐八毫二絲七忽四微二纖三沙八塵

二埃七漠

上次平地二十三頃五十一畝五分每畝徵糧五升

五合折色銀四分五忽九微三纖二沙三塵八渺

三埃五漠

中平坡地二十一頃八十畝七分一釐每畝徵糧四

升六合折色銀三分三釐四毫五絲九忽四微九

纖五塵三渺二埃九漠

中次灘地一十四頃五十八畝五分每畝徵糧三升

八合折色銀二分七釐七毫四絲四微五纖九沙
三塵七渺六埃一漠

中又次灘地一十七頃二十畝四分每畝徵糧三升
三合五勺折色銀二分四釐三毫六絲七忽二微
五纖一沙八塵一埃九漠

下鹹灘地六頃九十畝每畝徵糧二升八合折色銀
二分三毫六絲六忽六微五纖二沙一塵七渺三
埃九漠

以上共地八十四頃三十七畝二分一釐共徵糧
三百六十五石九升共折色銀二百六十五兩五
錢五分九釐三毫八絲五忽六微

更名田卽明王田

下等地三頃五畝二分六釐每畝徵租銀三分

康熙十六年查出額外隱漏民田

民水地一分六釐三毫

民平地七十六畝二分六釐四毫

民平坡地一畝四分六釐

民坡地七畝七釐三毫

民鹹灘等地九畝七分二釐

以上共地九十四畝六分八釐共徵折色銀七兩九錢一分二釐八毫三絲五忽九微五纖四沙九塵一渺九埃四漠

續查出隱漏額外無糧民田

民平地一十四畝二分一釐一毫

民平坡地一畝四分

民坡地五十畝八分一釐三毫

民鹹灘等地九頃八畝四分七釐三毫

以上共地九頃七十四畝八分九釐七毫共徵折色銀三十七兩六錢四分六厘九毫五絲一忽五微六纖五沙八塵四渺六埃四漠

額外河灘地九頃九十三畝五分六釐一毫每畝徵銀三分

以上民田屯田更名田共地六千三百二十八頃二十八畝七分二釐八毫折色並加增絲絹租課共銀五萬二百七十四兩八錢八分五釐七毫四絲八忽四微二纖七塵六渺五埃八漠並徭銀一

萬四千一百三十三兩四錢八分四釐九毫三絲
四忽一微七纖六沙共銀六萬四千四百三兩七
錢五分九毫六絲七忽五微九纖六沙七塵六渺
五埃八漠內

起運銀四萬七千八百四十六兩四錢一分六釐五
毫八絲三忽九微九纖六沙七塵六渺五埃八漠
額編兵餉銀九千四百八十九兩五分二釐三絲三
忽六微

存留驛站俸食雜支黃絲等銀七千六十八兩二錢
八分二釐三毫五絲驛站不敷遵例在起運內

支銀八百一十三兩六錢六分四釐又節裁存留

解部銀一千九百七十兩九錢二分一釐六毫

五絲實存留驛站俸食雜支黃絲等銀五千九百

一十一兩二分四釐七毫內徵銀七錢三銀四千

一百三十七兩七錢一分七釐二毫九絲錢一百

七十七萬三千三百七文四毫一絲實起運及額

編兵餉並節裁共銀五萬八千四百九十二兩七

錢二分六釐二毫六絲七忽五微九纖六沙七塵

六澍五埃八漠起存合筭每兩徵銀九錢七分二釐四毫六絲五忽七微六纖四沙三塵七渺八埃
七漠徵錢二十七文五毫三絲四忽二微二纖五
沙六塵二渺一埃三漠

曲沃縣志卷之十二

水利

沃之田蓋六千餘頃其受溉於沸清溫三水者僅百頃有奇而濟溪諸細流復不可以畝計他皆高邛無得溉者昔師古註沃野曰沃溉也沃不盡溉何沃之云然余嘗經汾陰村走臺神祠下竊念臺駘宣汾洮障大澤功施於後世而汾陰或卽番係引汾之故地往蹟具在何以至今不講乎抑嘗南遊潯濱北過合于合之澗雖狹猶有隙地焉可稻可藕而澮則其壑

寬衍可行溝洫之政遂教以爲渠爲水車爲隄而肇
端於望絳南吉兩村夫舉重決渠子弟實勞且功不
可以旦夕奏而余之心則終不能宴然已也志水利
清水在城東南溉田四村西周上裴莊下裴莊交里
濟溪在城南居民引以灌園

沸泉在景明村東南有分水渠明成化間民爭水數十
年不息知縣劉璣鑄鐵斛定分數西孔六分北孔四
分訟始罷至萬曆間奸民毀斛復起爭端知縣蒯諫
更鑄鐵斛公分溉田凡六村景明林交白水下鄒東

明德西明德詳見碑記

溫泉在東海村溉田二十一村一張亭村今改西寧村

一東寧村一西許村一東許村一庭城村一靳莊村

一河上村一西常村一東常村一北常村今改小莊

村一鄒村一吉許村一西縣册今改周莊村一東縣

册村一北王西村今改焦莊村一北王村一西陽城

今改羊舌村一郭寺承莊今改常家圪塔一溫泉村

其村無入北王村一鄒莊村今改西海村一東韓村

今改南韓村

龍底泉在林交村居民引以溉田一在冰巖下晉時架水入城今廢

拔劍泉在任莊居民引以溉田

溢溝泉在東閭里居民引以溉田

夢感泉在柴村昔有孝子思得甘泉以奉母夜夢北壑中有水如飴明日探之果得後塞成化中知縣劉璣

濬後仍塞今濬居民引以溉田

金溝泉按平陽府志在隘口村居民引以溉田今廢

滴水溝在蒙城鎮東十里石龕內今廢

曲沃縣志卷之十三

方產

禹貢紀冀州賦上上錯方物不名沃將何紀哉且也問瑤琨無有問織綺無有卽有穀可莪桑可樹雞豚狗彘可畜夫亦何國蔑有者沃又何必紀也雖然山川合氣以昌百嘉以阜百用朝我子弟而命之喬之野汾之干莪穀樹桑畜狗彘雞豚王道之行利莫大焉民苟利矣謂爲沃有也亦宜志方產

周禮河內惟冀州其利松柏其畜惟牛羊其穀宜黍

稷

唐書土貢白穀梁米黎墨蠟燭防風

宋史土貢防風蠟燭墨

穀屬

黍有軟硬二種軟者宜釀酒稷有大小二種梁粒細而色白稻有粳糯二種麥有耒麩小麥蕎麥三種豆有黑紫黃豌豆扁小白八種秫有黑紅黃三種宜釀酒葛秫幹長葉長其形如蔗而長芝麻 大麻 胡麻

實屬

棉花 紅棉花 麻

蔬屬

韭 葱 蒜 蕪 苜 芹 芥 茄 藕 菠薐 蔓菁 蘿蔔 茼蒿 高笋 白菜 芫荽 蒼蘆 高苳 黃蘿蔔

瓜屬

冬瓜 西瓜 南瓜 王瓜 絲瓜 甜瓜 木瓜 菜瓜 黃瓜 葫蘆 瓠潘安仁曰河汾之寶有曲

沃之懸瓠焉崔豹註曰瓠瓠可為笙曲沃者善

果屬

桃 李 梅 杏 梨 柿絳山最廣棗出晉城者

佳投水則沉比他地產者加重名晉棗又一種黑者

類小柿名羊棗沙果 石榴 核桃 銀杏

木屬

松 柏 槐 榆 楸 桐 桑 樗 楮 椿

柳 竹 青楊 皂莢 冬青 槲棘

花屬

牡丹 芍藥 石竹 金盞 鳳仙 玉蕊 玉簪

薔薇紅黃二種雞冠 萱草 鳳翅 木槿 粉團

月季 迎春 探春 紫荊 苦竹 蜀葵 山丹

丁香紫白二種梅花 茉莉紫粉黃三種後庭花

蓮 菊

草屬

蘭 葦 荻 菸沃舊無此種鄉民張士英自閩中

帶來明季兵燹踵至民窮財盡賴此頗有起色苜蓿

藥屬

猪苓 連翹 遠志 蒼朮 紫威 牽牛 柴胡

黃芩 防風 瞿麥 卽石竹花苗 荆芥 葶藶

紫蘓 知母 薄荷 香附 枸杞 地骨皮 車

前子 桑寄生 金銀花 葶麻子 桑白皮 蛇

床子 牛蒡子 酸棗仁 穀精草 款冬花 郁

李仁 芫花

禽屬

雞 鵝 鴨 雉 鴿 燕 鴉 雁 鷓 雀

喜鵲 鵲 鶉 黃鸝 啄木 布穀 班鳩 縹

鷹 鸞 鷲 鴟 鴞

獸屬

馬 羸 驢 牛 猪 羊 犬 猫 兔 狐

狼 狸 獾 蝟 黃鼠

鱗屬

鯉 鮒 鱸 綿 金魚

介屬

鱉 螺 蚌 蠃

虫屬

蠹魚 辨錢 螳螂 蛸蠟 守宮 蜘蛛 螺贏
蠶 蜂 螻 蟋蟀 蝦蟇

曲沃縣志卷之十四

郵傳

傳遞之設芻蕘取諸正供而百姓不與焉煌煌令甲
具在也沃故秦蜀孔道車轍馬跡絡繹不絕其疲於
奔命者蓋數百年於茲矣余受事後兢兢然以不克
其職是懼膏秣之細方任其勞不復問諸閭閻至牛
站之役歲省金錢數十萬實惟

朝廷軫恤民命與大中丞剔釐之功故凡先後文檄之
有繫於此者並登諸簡志郵傳以運所舖舍附

曲沃縣志卷之十四 郵傳

山江縣志 卷之七
蒙城驛在縣北四十里

馬騾四十頭○翼城縣二十二頭半○太平縣十
一頭○本縣五頭半○絳州一頭

明知縣耿章光申辯蒙城驛馬文

曲沃縣爲久期會議不報忽讀註銷之文謹虛心商
確以協至平事曲沃之代翼城走馬也溯其原本真
令人對天泣血切齒腐心如一人肩重貨于國門之
外遇豪客強掠之而去行路之人皆抱不平然終歸
側目搖首而已所以曲沃紳士扼腕萬姓蹙額合詞

上控蒙批會議卑職屢次關會以事冗未暇對及

見面訂乃曰我三日京兆耳幸相恕卑職自念此亦

人情也奉教唯謹俄而沃人驚傳不遵上臺批查竟

行註銷沃之人真死矣卑職毅然信其無世有鳩人

叔子哉閱數日得全詳雜誦至再至三纏纏洋洋碎

易三舍猶恐其鋒及之嗚呼其信然矣終不敢以鄙

况相疑又竊自念此不過因代署半載留千年去後

之思何必羣起相呀效利口之喋喋然事關兩邑利

害萬姓死生本爲論事非徒口角不失和氣古之人

已行之卑職言有可採不妨兩論具存若無可採則襄陵詳云胡告胡纏不仁太甚上臺一笑釋之果如襄陵言急行註銷是卑職之言無功于會議實大有造于註銷也謹正襟以對請先正奸民之罪次言歷朝之制次言變亂之因次言兩縣之情形以申詳關鍵虛平商確奸民有大罪三一曰滅祖煌煌令甲萬代章程何物不逞下民大膽橫肆巧伺香火私情夤緣爲奸大罪一也一曰亂制法度既定四海咸章挾私紛更名爲不軌三百年定制一旦變亂大罪二也

一曰欺君一人正位制命萬邦事無大小皆應奏聞滅祖亂制未經題請竟私相授受蒙蔽擅專百口飾辭大罪三也翼民有此三大罪堂堂正正明之天子廷鞫部議是非昭然白黑立見當有執其咎者非卑職臆說也曲沃較他縣獨苦有蒙城侯馬二驛並縣馬而三侯馬一驛曲沃二十頭絳州十一頭太平九頭蒙城一驛翼城二十二頭半太平十一頭曲沃五頭半絳州一頭本縣馬二十五頭此從來之所定也行之于今不改想立法初意侯馬以曲沃爲主他邑

協濟蒙城以翼城爲主他邑協濟所以翼城無驛曲沃且有兩驛也乃因緣爲奸將二十二頭半送曲沃設一誑詞曰東塢嶺立驛主之者爲翼城舊令尹署曲沃縣者爲翼城新令尹上下一心萬民飲泣有不從災禍立至隱忍四年因苦萬狀老幼轉死丁壯奔逃如此而云曲沃之人不仁信矣其不仁也何翼之人慈祥愷悌乃如斯也然翼之人搖尾乞憐者不過妄云翼苦于曲沃卽與曲沃同苦亦不煩上臺躡蹠調停今詳悉言之河南路阻一切輪蹄皆出三省

東西十之四南北十之六曲沃翼城東西相接由曲沃者必由翼城由翼城者必由曲沃南北往來者則專由蒙城侯馬與翼城絕不相干南北係五省大道達于京師所以往來如織十居其六卽翼城亦有折而北者則蒙城又當之是走翼城者未有不走曲沃而走侯馬者與翼風馬牛也而云翼苦是果翼苦耶是果沃苦耶總計道里衝疲沃當四至翼惟兩交翼城只存縣馬而曲沃三處之馬共七十餘頭卽有蘓張之口舌濟其譎詐恐無理之言不足當上臺一呷

也又云有令身任其責為兩驛調停夫以翼馬竟送
 曲沃有何熟籌有何審處以翼城之令推翼城之馬
 署曲沃之事取曲沃之結乃曰似已妥確令人欲泣
 欲笑言及於此真宜愧汗引避復執其說耶前令後
 已調繁曲沃其實美政善法不可枚舉獨此一事沃
 人喋喋有言且前令調繁之時已悔為法之弊但身
 自為之不得身自更之耳若云情願今日何為訴冤
 豈當日情願者為良百姓今日訴冤者為奸民耶明
 明白白代賠四萬餘金即良百姓亦不應良善至此
 若卑職署印翼城取翼城之結誰敢不從恐明有人
 非幽有鬼責卑職雖愚定不為之復取譬交易契券
 之說此言真大有理夫以國家至公之大法與奸民
 偏私之詭計孰宜遵守孰宜反覆而反云是何法紀
 目中有法紀者果如是乎譬之民間小訟爭告官司
 據律確斷為豪勢惡僕挾搆代為寫約云已情願及
 小民得路奔赴乃責以反覆不知亂至公之國法為
 反覆耶訴偏私之詭計為反覆耶明明自供一不宥
 之條矣乃自比于僱工嗚呼僱工如此為主人者不

亦難乎至于翼民越境喂養沃人魚肉之說更可異
焉在沃境養馬者有太平絳州不止翼城豈沃人不
魚肉他邑獨魚肉翼城耶且襄陵見有馬十五頭協
濟建雄不憂襄陵而憂翼城舍田芸田善喻也豈建
雄之人皆君子不善魚肉耶如此議論如著敝絮在
荆棘中觸類挂闕不必深辨總之當日謬說東塢嶺
立驛將驛馬竟自撤回今驛在何所驛爲何名驛官
何姓卽立驛是翼城之驛與沃何與而撤蒙馬若一
驛卽推馬二十餘頭曲沃見有兩驛當推出四十餘

頭况乎其烏有子虛也若四十兩八錢之銀不知何
所從來曲沃查無原本毋亦翼城四十兩之站銀有
原本三百年祖制獨無原本乎翼之人亦善于存原
本矣稽祖宗之制如此變亂之因如此兩邑之情形
如此詳中之關鍵與之商確如此應否速議應否註
銷上臺自一見瞭然卑職不敢復贅翼城理屈詞窮
本無可議秦鏡一炤魍魎潛踪其勢不得不出于註
銷一途譬如奪人財物證佐俱明法理不赦乃遠引
高舉乞准案候但恐失主不肯耳在申詳者豈不知

情理難通蔓言支詞以謝翼人乃代署事嗚呼翼之
代署留惠于將去沃之代署貽害于無窮同一代署
何翼之幸而沃之不幸也爲代署計按情尋理虛平
商確人謀已謀兩得之矣何必左支右吾累牘連編
果足以塞天下之口制萬人之命哉無言不疇無德
不報相遇于中原未可知也嗚呼人有惡影與跡而
疾走者舉足愈數爲迹益多不知靜坐以避迹向陰
以息影亦已過矣讀其詳云炤舊走遁繳還註銷見
其詞意嚴確不勝驚異以爲上臺批詳也細玩之乃
知爲申詳也使卑職不諳道理出口無章兒女口
終歸何用國家有一定之法上臺有至平之議且上
下有相臨之體何敢冒昧專擅無忌諱爲也取差期
迫萬姓嗷嗷跪祈早賜處分沃以萬命謝翼城卑職
以一官謝曲沃遲回顧慮者非夫也擬合申詳

國朝斷馬碑記

曲沃一縣除縣馬二十五頭外又有蒙侯兩驛侯馬
一驛額設馬四十頭曲沃二十頭絳州十一頭太平
九頭是以曲沃爲主他縣協濟蒙城一驛距曲沃四

十里距翼城四十五里額設馬四十頭翼城二十二頭半太平十一頭曲沃五頭半絳州一頭是以翼城爲主而他縣協濟所以翼城通無一驛曲沃且有兩驛碑鍾古誌暨

本朝賦役全書可考數百年來絳州太平各照額走迤會明末綱紀廢弛晉省巡方李嵩舊翼令也翼人翟化麟等因伊縣新令李士淳調沃上下合謀硬將翼城驛馬一十一頭強推曲沃有敢不從殃禍立見代應驛馬三十餘載沃民任大經等始以背制倒驛

爾二次仍具告部院楊蒙批霍臨太三州縣會審會看得曲翼驛馬一案合斷仍遵順治二年之

旨仍協蒙馬六頭共襄驛務庶爲情法兩平等語又轉批絳州稷山二處會審會看翼城協濟蒙城之馬原額二十二頭半至明季崇禎十四年止走馬一十一頭夫以翼應協之原額倏爾半歸曲沃李代桃僵是以喋喋爭鳴遵照前

旨斷馬六頭令翼走迤誠爲情法之平等語又轉批平刑廳看得曲翼兩縣所爭驛迤一案前經霍臨太三

州縣會審斷回翼城馬六頭於蒙城驛應差蒙憲批此議似屬妥便可以行之永久等語又轉批太原知府王軍廳並汾刑廳會審看得翼城縣協濟曲沃蒙城驛之馬原額二十二頭半至崇禎年間止走一頭一頭夫翼城以應協濟原額之馬至今僅存其半驛當孔道實難支持屢訟不休職此故耳是以霍州會審有遵照前

旨之議蒙憲臺亦有似屬妥便之批今職等仰體憲批矢公慎議翼城協馬碑鐘誌書可憑合無請祈憲臺酌奪等語又蒙部院楊憲牌據該道呈翼城協濟曲沃驛馬二十二頭半原有成例總因崇禎年間翼城馬夫盡逃遂啓釁端以致連年結訟不解但據翼城民吳士奇等同供小的翼城是五路通衢既係五路通衢而翼城不另設驛則是翼城五路之供應皆蒙城一驛代為走送矣且蒙城原以翼城為主又與曲沃交界自應與曲沃均當此當日額設馬四十四頭而翼城遂額設馬二十二頭半也等語又復批太原府及軍廳並汾刑廳會審會看得翼城應協蒙城之

馬有碑鐘誌書可憑是以訟端不息蒙駁本府卽同
汾太兩廳會審職等再四推誠合無仍照前議斷令
協馬六頭等語又蒙驛糧道繆看得曲沃縣有蒙侯
兩驛可謂繁劇極矣自故明之派翼城縣協馬二十
二頭半於蒙城驛亦酌量繁簡使無偏累其法未嘗
不善也至崇禎年間止協馬一十一匹頭致沃人賠
累匪一日矣茲經各官會審又該本道面鞫在沃民
稱苦萬狀與其更張往制不若率由舊章仍協馬六
頭合無請祈本部院俯賜酌奪具題請

翼城縣原協馬六頭仍協曲沃則沃民無向隅之
悲而爭訟亦稍杜矣蒙督撫於康熙四年七月二十
九日具題疏稱曲沃翼城以分協蒙馬之故連歲構
訟審據該道詳稱故明時翼城縣分協蒙城馬二十
二頭半至崇禎年間止協馬一十一匹頭今沃民任
大經等疊告稱苦斷令翼城縣除協馬一十一匹頭
外再協馬六頭赴蒙城驛走遞以均勞逸等因康熙
四年八月三十日部覆查翼城縣協蒙城驛六匹頭
既經該督撫酌議妥確相應如議九月初二日奉

旨依議翼城縣隨於康熙四年十一月初一日赴蒙城
驛應役走逆馬夫六名郭智呂金張日有李松懷郭
俊民劉道興經等數年焦勞雖斷歸六頭尙餘五頭
半未盡合制碑鍾誌書炳如日星恢復舊額不能不
俟後之君子維時立石則太原清軍總捕同知署曲
沃縣事中州張竒勲原任曲沃知縣涇源朱光祚儒
學教諭介休王肖舜縣丞巴東張繼舜典史古葵王
朝光原任驛丞陳一元本管驛丞周敬民任大經常
三省趙全璧李承詔王福壽楊璽徐紳○任大經記
侯馬驛在縣西南三十里

馬驛四十頭○本縣二十頭○絳州十一頭○太
平九頭

督理山西糧屯驛傳道布政使司僉事加四級劉
爲驛遞科派幫貼之害疾民無窮永行禁革以除積
累事照得驛遞馬匹有一馬卽有一馬支應有一夫
卽有一夫工食是朝廷爲驛遞計者原無不足之數
也晉省有驛州縣將驛站動用錢糧不知着落何所
而於喂養馬匹草料率皆派之民間抑且短價勒買

多方需索本道蒞任之初訪知此弊隨經通行禁飭
在案獨有甚者惟曲沃一縣尋常發買草料之外又
每畝派幫貼銀若干每丁派幫貼銀若干試思驛站
項下夫馬工料儘足供給而此每畝每丁之幫貼果
何爲乎重重剝削民力何堪動輒苛求良可酸鼻獨
不念爲民父母務當興利除害况當

功令森嚴之際又何容因循弊政漫無改革若不嚴加
禁止恐將來沿爲舊例貽害仍無窮也合行出示永
革爲此示仰曲沃縣官吏並里民等知悉自今以往

將從前弊政盡行革除仍不許每畝每丁再行幫貼
並直發都里鄉村派買草豆等弊一概禁革如以後
官員仍有指稱夫馬等項各色私向里下派取一絲
一毫者許里民人等據實陳告以憑轉揭叅處今除
發示張掛外一面取具該縣已經盡革永不科派印
結並里民已經該縣革除甘結一併報道一面卽勒
石豎立縣前並蒙城侯馬二驛可也

侯馬遞運所先是所夫索取里民工食自康熙三十
三年後革除永行停止

夫八十六名

平陽府曲沃縣知縣潘錦爲革除私幫陋例以甦民累特請勒石永垂勿替事切照朝廷額設所夫原係召募在所接遞銀鞘接送差使正項工食已足贍養身家獨本縣侯馬所夫八十六名順治初年前任令現年里長僉報所夫每年一換本地民人因差重役繁憚不肯往因覓外屬民人到所自議另幫口食多寡不等相沿至今習焉不察卑縣細加體訪屢行曉諭令本邑人民自往接遞不啻大聲疾呼而應者寥寥現在所夫又以爲隣縣百姓不應代沃邑應差卑縣再三籌度多方召募始有許進玉等呈稱情願投募卑縣隨行侯馬驛嚴諭各所夫止許領額設工食銀兩不許絲毫向里民勒索私幫仍查各所夫果否情願在所接遞各所夫具有退狀該驛呈報到縣卑縣傳喚召募所夫許進玉等到縣查點年貌發所與現在所夫交代應差外其私幫陋例嚴行革除許進玉等踴躍遵行但恐法久弊生奸民里棍復蹈前轍亦未可定所當詳請憲臺批示勒石永久勿替俾後

來官茲土者觸目警心庶私幫永絕小民得免勒索之累地方幸甚

急遞總舖 在縣治西 交里舖 南一十里 任莊舖 南二里

喬村舖 西南十五里 西辛村舖 西南二里 侯馬舖 西南二里

驛橋舖 西南四里 郭馬舖 西二里 楊村舖 西北二里

容裕舖 東北二十里 辛店舖 北二里 柴村舖 北三里

蒙城舖 北四里

平陽府曲沃縣知縣潘錦議得本縣舖司兵共四十五名舊例係僉點各里走遞每年一換上年蒙憲發禁革私幫舖兵口食告示到縣卑縣遵卽出示

革除仍於去年九月內詳明革除緣由並請勒石在

案通縣里民莫不舉手加額以為省一分雜項卽可

辦一分正供遠近歡呼比戶同聲不意楊村舖舖兵

上官寰等赴憲案呈請照依舊例夫所稱舊例者卽

係上年僉點里民遞送文書地棍包攬里民私幫者

是也查楊村辛店蒙城三舖在縣正北郭馬侯馬二

舖在縣西北隘口一舖在縣西南容裕一舖在縣東

北任莊一舖在縣正南若僉點各里近者離舖二十

里遠者離舖四五十里彼豈能棄田園絕家室遠赴所派舖逋應差乎必不能也不能則必顧覓顧覓卽有包攬包攬卽議私幫此上官寰等所請不可行者一也一縣之官四境之內莫非赤子豈有厚薄之分上官寰等謂通縣差徭獨累八莊不知近舖村莊竟應舖兵每舖五人接送文書外猶可力作自活若僉點遠舖農民俾其棄田園絕家室顧此失彼獨非累乎卑縣不肯僉點通縣里民止令近舖村莊接送實杜包攬私幫諸弊非岐視沃民也此上官寰所請不可行者二也卑縣奉憲臺禁飭革過私幫並卑縣先行革過私幫約畧有十三四項向來包攬地棍往往偶語缺望希圖復舊今上官寰等突請照依舊例是復私幫之兆也舖兵旣照舊例所夫民壯轎夫牛頭鹽販乘間說苦說窮緣例具呈不允所請缺望愈甚此上官寰所請必不可行者三也語云民志無極民願無終又曰凡民難與慮始可與圖成今本縣舖兵絲毫疾苦無不曲爲軫恤而猶以苦累上塵憲覽民之無良至於此極後雖有實心任事之官恐從此自

隳志氣且於革除陋例之行漸有陽奉陰違者事關政體誠非淺鮮緣係奉批查議事理語多激切如果卑縣所議不謬應否仍照現在例走差伏乞憲鑒酌奪批示施行

牛站

自秦中駐防滿兵春秋家口回旗例用車輛候馬始設牛站其遞送南至聞喜縣之涑川驛北至太平縣之史村厰順治十三年太平史村厰將本縣車牛遞站送府里民張禮等呈控各衙門奉院檄太平補本縣車牛仍勒石平陽府並史村厰及本縣城隍廟又折車之弊里民歲費數千金噶大中丞撫晉深悉其苦不避嫌怨毅然禁革蓋自三十九年民始息肩云

巡撫山西太原等處地方提督鴈門等關軍務兼理雲鎮都察院右副都御史加一級噶 為嚴禁違例多索車價事照得員役騷擾驛遞疊經奉

旨嚴禁遵行在案查過往客兵及回京官兵家口應用車輛每路十里定例給銀一錢不容絲毫增減近訪

得經過官兵家口聽信惡棍脚戶額外苛求每車一輛勒要一兩七八錢不等又復索酒食索小禮稍不遂意或吊打管車人役或虐死拉挽牛隻或壞車輛或詈職員恣肆咆哮押送官員並不約束致使官民受害殊干國法合行嚴禁爲此示仰經過官兵家口人等及各該廳州縣衛所驛遞員役知悉嗣後支領車輛俱遵照部價每路十里給銀一錢敢有仍舊多索等弊許地方官一面將跟來脚戶拘禁一面具名通詳如係職官卽行題叅如係兵丁家口卽咨嚴究其惡棍脚戶並立繫杖下地方官若敢徇隱不報坐視窮民受害一經查出定卽嚴叅概不姑容致負我

皇上愛民之至意各宜慎之



